



ბიულეტენი

სამეცნიერო ჟურნალის
„ქართული პოლიტიკა“,
სპეციალური გამოცემა



რევაზ ჯაჭავიძე

სამოქალაქო განათლების დამკვიდრება
ახალგაზრდებში არაფორმალური
განათლების გზით

2015 #20
GT01

სერია: ახალგაზრდული პოლიტიკა



ბვირფასო მეგობრებო!

კარგი მმართველობა, ფართო საზოგადოებრივი ინტერესების გათვალისწინებით, სწორი, გონივრული გადაწყვეტილებების მიღება და მისი განხორციელების უზრუნველყოფაა.

საჯარო ადმინისტრირების სფეროში სახელმწიფო, რეგიონული, უწყებრივი თუ ადგილობრივი მმართველობის დონეზე გადაწყვეტილებებს საჯარო მოხელეები იღებენ და იმაზე, თუ რამდენად აქტუალურ თემებს „წამოწვევენ“ ისინი განსახილველად, ზევრადაა დამოკიდებული ქვეყნის მდგრადი პოლიტიკური და ეკონომიკური განვითარება.

ჟურნალის სამეცნიერო რედაქცია მიესალმება და მხარს უჭერს თითოეული მოხელის მოსაზრებების, შეფასებების, დასკვნების სათანადოდ წარმოჩენას. რედაქცია დადგენილი წესით გამოაქვეყნებს მათი ავტორობით მომზადებულ საჯარო გამოსვლების ტექსტებს - პარლამენტის სხდომებზე, სამთავრობო ან ადგილობრივ ღონისძიებებზე, სამეცნიერო კონფერენციებზე, სემინარებზე; ასევე, რა თქმა უნდა, მათ მიერ გამოსაცემად მომზადებულ ცალკეულ სტატიებსა თუ წიგნებს.

ჩვენი მთავარი ამოცანაა, ნებისმიერი რანგის საჯარო მოხელის, პოლიტიკოსის არცერთი ღირებული, ინოვაციური, მეცნიერულად დასაბუთებული მოსაზრება ან მოვლენათა სიღრმისეული ანალიზი არ დარჩეს განხილვის, გასაჯაროების გარეშე, რადგან ამან, შეიძლება, სერიოზულად დააზარალოს როგორც სახელმწიფო, ისე საზოგადოებრივი ინტერესები.

„ქართული პოლიტიკის“ რედაქცია ღია თანამშრომლობისთვის და მოგმართავთ სახელმწიფო მოხელეებს, პოლიტიკოსებს - წუ მოერიდებით საკუთარი პოზიციის საჯაროდ დაფიქსირებას და გადმოგზავნეთ სათანადოდ რედაქტირებული ნაშრომი შემდეგ ელექტრონულ მისამართზე: info@georgianpolitics.com.

გამოცემების ციფრული ვერსია საჯარო სამსახურის ბიუროს დახმარებით უსასყიდლოდ პერსონალურად მიეწოდებათ სახელმწიფო და საზოგადოებრივ-პოლიტიკურ ორგანიზაციებში დასაქმებულებს, საქმიანი წრეების წარმომადგენლებს, მეცნიერებს, წარჩინებულ სტუდენტებს. აგრეთვე ის განთავსდება ჟიული შარტავას სახელმწიფო პოლიტიკის და მართვის სადოქტორო სკოლის პოლიტიკური ლიტერატურის ბიბლიოთეკის ვებ-გვერდზე - www.politlibrary.ge.

ამჯერად რედაქცია ცალკე ბროშურის სახით გამოსცემს საქართველოს სპორტისა და ახალგაზრდობის საქმეთა მინისტრის მოადგილის რევაზ ჯაველიძის ნაშრომს „სამოქალაქო განათლების დამკვიდრება ახალგაზრდებში არაფორმალური განათლების გზით“.

ყველამ ერთად შევუწყოთ ხელი „კარგი მმართველობის“ განხორციელებას საქართველოში.



რევან ჯაველიძე

**სამოქალაქო განათლების
დამკვიდრება ახალგაზრდობში
არაფორმალური განათლების
გზით**



**გამომცემელი: ქიული შარტავას სახელმწიფო
პოლიტიკის და მართვის სადოქტორო სკოლა**

აშშ-ის ყოფილი პრეზიდენტის ჯონ კენედის სიტყვებით, “არასწორად განათლებული ბავშვი არის დაკარგული ბავშვი”¹.

2013 წელს გაეროს ბავშვთა ფონდის (UNICEF) დაფინანსებით საქართველოში ჩატარდა ახალგაზრდობის ეროვნული კვლევა - “ეროვნული კვლევა ახალგაზრდებისა და მოზარდების მდგომარეობის შესახებ საქართველოში”, რომელიც “საქსტატმა” განახორციელა. ახალგაზრდობის და მათი საჭიროებების შესახებ მსგავსი კვლევა პირველად ჩატარდა, რომლის ფარგლებში ბავშვთა უფლებებთან დაკავშირებულ საკითხებთან ერთად გამოკვლეულ იქნა, რამდენად გათვითცნობიერებულნი იყვნენ საქართველოში ახალგაზრდები სამოქალაქო განათლების კუთხით.

ახალგაზრდობის ეროვნულ კვლევაში გამოკითხულ იქნა 14-29 წლის ასაკის 2,500 ახალგაზრდა როგორც ქალაქებში (40%), ისე სოფლად (60%). აღმოჩნდა, რომ გამოკითხულთა უმრავლესობა (69,2%) არ იცნობს გაეროს ბავშვთა უფლებათა კონვენციას (UN Convention on the Rights of the Child) ან არ გაუგონია მის შესახებ.² ის ახალგაზრდები,

1. “A child mis-educated is a child lost”.

2. ცნობისათვის, ეს კონვენცია გაერომ 1989 წლის 20 ნოემბერს მიიღო და ძალაში 1990 წლის 2 სექტემბრიდან შევიდა. კონვენცია შედგება 54 მუხლისაგან, რომელთაგან პირველი 42 მუხლი ეხება ბავშვებისა და მოზარდების ცხოვრებასთან დაკავშირებულ საკითხებს (კერძოდ, ბავშვის სიცოცხლის, განვითარების, დაცვის და ადგილობრივ თემში/საზოგადოებაში ჩართულობის/მონაწილეობის პრინციპებს). მასში მოცემულია ბავშვის უფლებები, სახელმწიფოს ვალდებულებები და ბავშვთა აღზრდასთან დაკავშირებული პირების მოვალეობები. 43-54 მუხლებში საუბარია იმაზე, თუ რა უნდა გააკეთონ სახელმწიფომ და ზრდასრულმა ადამიანებმა ერთად კონვენციით ნაკისრი ვალდებულებების შესასრულებლად. კონვენციას მიერთებულია 193 ქვეყანა, მათ შორის საქართველო 1994 წლიდან, რითაც ჩვენმა ქვეყანამ აიღო კონვენციის შესაბამისი ვალდებულებების შესრულების სამართლებრივი პასუხისმგებლობა.



ვისთვისაც ცნობილია კონვენციის შესახებ, ძირითადად ინფორმირებულნი არიან კონვენციის ბავშვის ე.წ. სიცოცხლის კატეგორიით გათვალისწინებული უფლებების თაობაზე, მაგრამ ნაკლებად იციან დანარჩენი სამი კატეგორიით გათვალისწინებული უფლებები.³

3. კონვენციის ყველაზე ფუნდამენტალური უფლებები გაერთიანებულია შემდეგ 4 მუხლში: (ა) მუხლი 2 - არა-დისკრიმინაცია - არავის აქვს უფლება მიიღოს რამე უპირატესობა ან დაიჩაგროს მისი რასის, კანის ფერის, სქესის, ენის, რელიგიის, ნაციონალობის, სოციალური თუ ეთნიკური წარმომავლობის ან პოლიტიკური შეხედულებების გამო, ისევე როგორც ქონებრივი სტატუსისა თუ შეზღუდული შესაძლებლობის გამო; (ბ) მუხლი 3 - ბავშვის ინტერესების დაცვა - კანონები და ნორმატიული აქტები, რომელიც ეხება ბავშვებს, ხელს უნდა უწყობდეს მათი უფლებების მაქსიმალურად წარმოჩინებას და მათთვის მაქსიმალური სარგებლის მხარდაჭერას/უზრუნველყოფას; (გ) მუხლი 6 - არსებობა, განვითარება და დაცვა - სახელმწიფო ხელისუფლება ვალდებულია, დაიცვას ბავშვი და უზრუნველყოს მისი სრული განვითარება, როგორც ფიზიკური, ისე სულიერი, მორალური და სოციალური; (დ) მუხლის 12 - ჩართულობა/მონაწილეობა - ბავშვს აქვს უფლება, გამოთქვას აზრი იმ გადაწყვეტილებებთან დაკავშირებით, რომელიც მას ეხება და ეს აზრი მხედველობაში უნდა იქნას მიღებული.



ახალგაზრდობის ეროვნულმა კვლევამ წარმოაჩინა, რომ საქართველოში ახალგაზრდებს აქვთ შეზღუდული ცოდნა მოსახლეობის უფლებებსა და ვალდებულებებზე. მაგალითად, გამოკითხული ახალგაზრდების მხოლოდ 11,6%-ია ინფორმირებული ძირითადი სამოქალაქო უფლებების შესახებ, კერძოდ ის, რომ მოქალაქე უნდა იყოს კანონმორჩილი, გადაიხადოს გადასახადები და მონაწილეობა მიიღოს არჩევნებში. კანონმორჩილება მიჩნეულია საკუთარ სოციალურ მოვალეობად ქალაქებში გამოკითხულთა 88%-ის მიერ, ხოლო სოფლად გამოკითხულთა - 89%-ის მიერ. ქალაქებში მცხოვრები გამოკითხული ახალგაზრდობის 62,1% მიიჩნევს, რომ გადასახადების გადახდა ვალდებულებაა, რეგიონებში ეს ციფრი 53.7% პროცენტს შეადგენს. საინტერესოა, რომ არჩევნებში მონაწილეობის მიღებას ახალგაზრდების მხოლოდ 57.5% თვლის თავის მოქალაქეობრივ მოვალეობად. ქალაქ-სოფლის ჭრილში ეს მაჩვენებელი დიდად არ განხვავდება და შესაბამისად 58.3% და 56.6%-ს შეადგენს. რეგიონების მიხედვით არჩევნებში



მონაწილეობის მიღებას თავის მოქალაქეობრივ მოვალეობად ახალგაზრდების ყველაზე მაღალი წილი (81.1%) მცხეთა-მთიანეთის რეგიონში, ხოლო ყველაზე დაბალი (50.3%) ქვემო ქართლის რეგიონში მიიჩნევს.

ახალგაზრდობის ეროვნული კვლევის შედეგების საფუძველზე საქართველოს სპორტის და ახალგაზრდობის საქმეთა სამინისტროს ორგანიზებით მოწვეული ქართველი თუ უცხოელი ექსპერტების, ასევე არასამთავრობო სექტორის ჩართულობით შემუშავდა რეკომენდაციები, რომელიც საფუძვლად დაედო “საქართველოს სახელმწიფო ახალგაზრდული პოლიტიკის დოკუმენტის” შემუშავებას. ეს უკანასკნელი 2014 წლის 2 აპრილს საქართველოს მთავრობის #533 განკარგულებით დამტკიცდა.

ამ დოკუმენტის ერთ-ერთი მიზანია სამოქალაქო უფლებებისა და ვალდებულებების შესახებ ახალგაზრდების ცოდნის ამაღლება. ახალგაზრდული პოლიტიკის დოკუმენტის მიღებით საქართველოს მთავრობამ აიღო ვალდებულება:

- უზრუნველყოს სამოქალაქო საკითხებში ახალგაზრდობის ცოდნის ამაღლება როგორც ფორმალური, ისე არაფორმალური განათლების გზით, შესაბამისი საგანმანათლებლო პროგრამების შემუშავებით, რათა ახალგაზრდებს განუვითარდეთ და/ან გაუმდიერდეთ სახელმწიფოებრივი თვითშეგნება;
- ხელი შეუწყოს უმცირესობათა და საზოგადოების სპეციალური საჭიროებების მქონე ჯგუფების უფლებების შესახებ ინფორმაციის ხელმისაწვდომობის გაზრდას ახალგაზრდებისათვის;
- ხელი შეუწყოს უმცირესობათა და საზოგადოების სპეციალური საჭიროებების მქონე ახალგაზრდების ინტეგრაციას საზოგადოებრივ ცხოვრებაში ე.წ. ინკლუზიური თუ სხვა არაფორმალური განათლების პროგრამების ფარგლებში.

2015 წლის 5 მარტს “საქართველოს სახელმწიფო ახალგაზრდული პოლიტიკის დოკუმენტის” გათვალისწინებით საქართველოს მთავრობამ “საქართველოს სახელმწიფო ახალგაზრდული პოლიტიკის განვითარების სამოქმედო გეგმა (2015-2020 წწ.) დაამტკიცა. სამოქმედო გეგმა მთავარი ინსტრუმენტია ახალგაზრდული პოლიტიკის სისტემური და მდგრადი განვითარებისათვის, რომელიც მოიცავს ახალგაზრდული პოლიტიკის წარმართვისათვის აუცილებელ კონკრეტულ და დროში გაწერილ პროგრამებს, პროექტებს თუ აქტივობებს, რომლებიც საქართველოს სხვადასხვა სამინისტროებმა და უწყებებმა უნდა განახორციელონ, მათ შორის სპორტისა და ახალგაზრდულ საქმეთა სამინისტრომაც. სამოქმედო გეგმით გათვალისწინებულია სამოქალაქო განათლების სწავლების გაუმჯობესებაც. კერძოდ, იგეგმება:



- ✓ ახალგაზრდების ჩართვა არაფორმალური განათლების პროგრამებში სამოქალაქო უფლებებისა და ვალდებულებების შესახებ;
- ✓ სამოქმედო გეგმის პროგრამების/პროექტების/ღონისძიებების განხორციელებაში სპეციალური საჭიროების მქონე ახალგაზრდებისა და სხვა ახალგაზრდების ინკლუზიური და თანაბარი მონაწილეობა;
- ✓ 2016-2021 წლების ეროვნულ სასწავლო გეგმაში სამოქალაქო განათლების საგნობრივი პროგრამების განახლება და დანერგვა; მათ შორის ეროვნულ სასწავლო გეგმაში არჩევითი საგნის - «ქართული სამხედრო ისტორია და ეროვნული თავდაცვა» დანერგვა.



იმედია, დამეთანხმებით, რომ გლობალიზაციის პირობებში სკოლის მიღმა ახალი, დამატებითი კომპეტენციების მიღება აუცილებელია ახალგაზრდებისათვის ცხოვრებაში აქტიური მონაწილეობის მისაღებად. ასეთი დამატებითი კომპეტენციების შეძენის გზად მიგვაჩნია ახალგაზრდული საქმიანობის გაძლიერება და მის ფარგლებში არაფორმალური განათლების ხელშეწყობა.

მიუხედავად იმისა, რომ არ არსებობს ახალგაზრდული საქმიანობისა და არაფორმალური განათლების უნივერსალური დეფინიცია, ახალგაზრდული საქმიანობა ძირითადად განიხილება დაგეგმილ საგანმანათლებლო საქმიანობად, რომლის მიზანია დაეხმაროს ახალგაზრდებს, განიმტკიცონ ინდივიდუალური და სოციალური უნარ-ჩვევები ნებაყოფლობითი ჩართულობით საგანმანათლებლო,

შემეცნებით და რეკრეაციულ პროექტებსა და პროგრამებში. არაფორმალური განათლება კი ინდივიდუალური და სოციალური განათლების ნებისმიერი დაგეგმილი პროგრამაა, რომელიც არ არის ოფიციალური სასწავლო პროგრამების ნაწილი. არაფორმალური განათლების მთავარი მიზანია მთელი ცხოვრების მანძილზე დამატებითი ცოდნის, უნარ-ჩვევების და ღირებულებების შექმნა/გამომუშავება საკუთარი პოტენციალის მაქსიმალურად რელიაზებისთვის.

2014 წელს სპორტისა და ახალგაზრდობის სამინისტრომ მოამზადა „არაფორმალური განათლების საკვანძო კომპეტენციების ჩარჩო“ დოკუმენტი, რომელიც მოიცავს 9 საკვანძო კომპეტენციას. კერძოდ:

- სამოქალაქო კომპეტენცია;
- გარემოსდაცვითი კომპეტენცია (გარემო, ბიომრავალფეროვნება და მისი დაცვა; განახლებადი ენერჯიები და ენერგოეფექტურობა; დაბინძურება და ნარჩენების მართვა);
- ანალიტიკური, ტექნოლოგიური, ინფორმაციული და სამეცნიერო კომპეტენცია (ციფრული და საკომუნიკაციო ტექნოლოგიები; საინფორმაციო-ანალიტიკური მუშაობა; გამოყენებითი მეცნიერება);
- სამეწარმეო და ინიციატივის კომპეტენცია (ინიციატივების გამოჩენა, საპროექტო ფორმით ჩამოყალიბება და განხორციელება; კრიზისის და ცვლილებების მართვა; ბიზნესის/მეწარმეობის საფუძვლები და ფინანსების მართვა);
- შემოქმედებითობისა და კრიტიკული აზროვნების კომპეტენცია (შემოქმედებითობა და კრეატიულობა; კრიტიკული აზროვნება);



- დამოუკიდებლად სწავლის კომპეტენცია;
- ურთიერთობის კომპეტენცია (ჯანსაღი კომუნიკაცია; გუნდური მუშაობა; კონფლიქტების მართვა და არაძალადობრივი ურთიერთობა; საქმიანი ურთიერთობები; ემოციების მართვა);
- კულტურული გამოხატვის და კულტურათმშორისი ურთიერთობის კომპეტენცია (კულტურათმშორისი განათლება; კულტურათმშორისი კომუნიკაცია; კულტურული მემკვიდრების დაცვა; კულტურული თვითგამოხატვა ხელოვნებით და შემოქმედების საშუალებით);
- ჯანმრთელობის დაცვისა და ჯანსაღი ცხოვრების კომპეტენცია (ჯანდაცვა და მავნე ჩვევები; ჰიგიენა; სქესობრივი და რეპროდუქციული ჯანმრთელობა; თავისუფალი დროის ორგანიზება და რეკრეაცია).



სამოქალაქო კომპეტენციის მიზანია, განუვითაროს ახალგაზრდას უნარ-ჩვევები, რომელიც მას დაეხმარება სახელმწიფოებრივი ინტერესების შესაბამისად მოქმედებაში, ასევე კანონის უზენაესობის, ადამიანის უფლებებისა და თავისუფლებების აღიარებასა და დაცვაში. ის მოიცავს შემდეგ თემატურ მოდულებს:

1. დემოკრატიის საფუძვლები;
2. ჩართულობა/მონაწილეობა;
3. ადამიანის ძირითადი უფლებები და თავისუფლებები;
4. ისტორია და პოლიტიკური იდეოლოგიები/ქვეყნის მოწყობის მოდელები;
5. პრაქტიკული სამართალი;
6. სამოქალაქო თავდაცვა.



თითოეული თემატური მოდელის მიხედვით განსაზღვრულია ის ცოდნა, უნარები თუ ღირებულებები, რომლებიც ახალგაზრდებმა არაფორმალური განათლების პროგრამების შედეგად უნდა შეიძინონ. მაგალითად, ახალგაზრდამ უნდა იცოდეს:

- დემოკრატიის არსი და წარმომავლობა (თუ რომელი ორგანიზაციები მუშაობენ საერთაშორისო დონეზე დემოკრატიული ინსტიტუტების განვითარების მიზნით);
- იცნობდეს დემოკრატიის პრინციპებს და ძირითად მახასიათებლებს;
- მმართველობის სხვა ფორმებს და მათ მახასიათებლებს;
- უნდა შეეძლოს დემოკრატიული პრინციპების გატარება ორგანიზაციულ ან/და არაფორმალურ ჯგუფში მუშაობის დროს, ყოველდღიურ ცხოვრებასა

და საქმიანობაში, და განასხვავოს დემოკრატიული პროცესები არადემოკრატიული პროცესებისგან;

- უნდა გამოხატავდეს საკუთარ, როგორც მოქალაქის, პასუხისმგებლობას საზოგადოებისა და ქვეყნის წინაშე და ჰქონდეს მის მიმართ მიკუთვნების განცდა;
- მზად იყოს, ჩაერთოს ქვეყნის დემოკრატიულ მართვაში;
- აინტერესებდეს იმ ადგილობრივი და საერთაშორისო ორგანიზაციების მუშაობა, რომელთა საქმიანობაც მიმართულია დემოკრატიული ინსტიტუტების განვითარებისკენ როგორც ადგილობრივ, ისე საერთაშორისო დონეზე;
- ჰქონდეს ჩამოყალიბებული მოსაზრებები დემოკრატიისა და მმართველობის სხვა ფორმების ძლიერ და სუსტ მხარეებზე.

ამჟამად სამინისტრო მუშაობს ისეთი მექანიზმების დანერგვაზე, რომლებიც „არაფორმალური განათლების საკვანძო კომპეტენციების ჩარჩო“ დოკუმენტის განხორციელებას უზრუნველყოფს. ამ კუთხით სამინისტრო გეგმავს რეგიონული ახალგაზრდული ცენტრების ქსელის შექმნას. გარდა ამისა, ახალგაზრდული საქმიანობის და არაფორმალური განათლების მხარდასაჭერად სამინისტროს მიერ სრულდება მუშაობა კანონპროექტზე “ახალგაზრდული საქმიანობის სახელმწიფოებრივი მხარდაჭერის შესახებ“, რომელშიც გაიწერება ახალგაზრდული საქმიანობის მხარდაჭერის ზოგადი პრინციპები, არაფორმალური განათლების, ახალგაზრდული მოხალისეობის და ახალგაზრდების მავნე ზეგავლენისგან დაცვის ზოგადი მარეგულირებელი ნორმები.

და ბოლოს, მაკათმა განდის სიტყვებით, “ხალხს, საზოგადოებას წარმოდგენა არ აქვს, თუ სინამდვილეში რა არის განათლება. ჩვენ ვაფასებთ მის ღირებულებას ზუსტად ისევე, როგორც ვაფასებთ მიწის თუ საფონდო ბირჟაზე აქციების ღირებულებას. ჩვენ გვამომრავებს სურვილი, მხოლოდ ისეთი განათლება მივცეთ ახალგაზრდას, რომ მან უფრო მეტი გამოიმუშაოს. და საერთოდ არ ვფიქრობთ, გავაუმჯობესოთ მისი ბუნება, ხასიათი... მანამ, სანამ იარსებებს მსგავსი მოსაზრება, არ იარსებებს იმედი, რომ ჩვენ ოდესმე გავიგებთ, დავინახავთ განათლების ნამდვილ ღირებულებას.”⁴

მინდა ვისურვო, რომ ახალგაზრდული საქმიანობის და არაფორმალური განათლების განვითარებით და ზოგადი განათლების სისტემის დახვეწით ჩვენი ქვეყანა შეძლებს სამოქალაქო კომპეტენციით აღჭურვილი ჯანსაღი მომავალი თაობის აღზრდას.

4. “The real difficulty is that people have no idea of what education truly is. We assess the value of education in the same manner as we assess the value of land or of shares in the stock-exchange market. We want to provide only such education as would enable the student to earn more. We hardly give any thought to the improvement of the character of the educated.... As long as such ideas persist there is no hope of our ever knowing the true value of education.”

ავტორის მოკლე ბიოგრაფია

რევაზ ჯაველიძე

დაბადების თარიღი: 1975 წლის 21 ოქტომბერი

განათლება

1992 - 1998 წწ. - თბილისის ივანე ჯავახიშვილის სახელმწიფო უნივერსიტეტი, იურისტი

1996 - 1998 წწ. - ლუისის და კლარკის კოლეჯი (ქ. პორტლენდი, აშშ), პოლიტიკური მეცნიერების ბაკალავრის ხარისხი

1999 - 2000 წწ. - ტეხასის უნივერსიტეტი (ქ. ოსტონი, აშშ), იურიდიული ფაკულტეტი, მაგისტრის ხარისხი

პროფესიული საქმიანობა

1995 - 1996 წწ. - საქართველოს ნავთობის საერთაშორისო კორპორაცია, საერთაშორისო განყოფილება; პროექტის მენეჯერი

1998 - 1999 წწ. - საქართველოს ნავთობის საერთაშორისო კორპორაცია; იურისტი

2000 - 2003 წწ. - საერთაშორისო იურიდიული ფირმა „ბეიკერ ენდ მაქქენზი სი-აი-ეს ლიმიტედ“ (ქ. ბაქო, ქ. მოსკოვი), იურისტი

2004 წ. ივნისი - 2004 წ. დეკემბერი - საქართველოს პრემიერ მინისტრის აპარატი, მრჩეველი

2004 - 2006 წწ. - ფონდი „ათასწლეულის გამოწვევა საქართველოში“, მთავარი იურისტი, აღმასრულებელი დირექტორის მოადგილე

2004 - 2006 წწ. - ს.ს „გაერთიანებული ტელეკომი“, სამეთვალყურეო საბჭოს თავმჯდომარის მოადგილე

2006 წ. აპრილი - 2006 წ. დეკემბერი - საერთაშორისო საკონსულტაციო კომპანია „ბუზ ალენ ჰამილტონი“, კონსულტანტი

2006 - 2007 წწ. - სატელეკომუნიკაციო კომპანია ს.ს „ტელენეტი“, იურიდიულ კორპორატიულ საქმეთა დეპარტამენტი, მთავარი იურისტი, დირექტორი

2007 - 2008 წწ. - უსადენო ინტერნეტ კომპანია შპს „ვიტელ ჯორჯია“ (ბრენდი „მაქსიმალი“), გენერალური დირექტორი

2009 - 2010 წწ. - შპს „თბილავიამშენი“

2010 - 2014 წწ. - ბრიტანული კომპანიების ჯგუფი „ტეტის პეტროლიუმ ლიმიტედ“ (დუბაი)

ენები: ქართული, რუსული, ინგლისური

ოჯახური მდგომარეობა: დაოჯახებული

სარედაქციო ჯგუფი

| | |
|------------------|--------------------------------------|
| ზურაბ ჯიბლაძე | პროექტის ავტორი და მთავარი რედაქტორი |
| მარინე ბუაჩიძე | პასუხისმგებელი რედაქტორი |
| ნათია ვადაჭკორია | მასმედიასთან ურთიერთობები |
| დალი ჯვარშიშვილი | ტექნიკური რედაქტორი |
| გია არაბული | მხატვრული რედაქტორი |
| გიორგი ჯიბლაძე | კონსულტანტი |
| ირინე ბარამიძე | მხატვარ-დიზაინერი |
| ია გაჩეჩილაძე | კორექტორი |



ჟიული შარტავას სახელობის სახელმწიფო პედაგოგიის და მათთვის საღმრთოთ სკოლა ახორციელებს უმაღლესი საკვალიფიკაციო განათლების მესამე საფეხურის (დოქტორანტურა) პროფესიულ საბანანათელალო პროგრამებსა და სამეცნიერო კვლევებს; აგრეთვე უწყავა აქტიურ საქმიანობას ახალგაზრდა პედაგოგების და საჯარო მოხელეების მომზადების, პროფესიონალური ბალანსების, კვალიფიკაციის ამაღლებისა და სტაჟირების ორგანიზაციის მიმართულებით.

#20 2015 **ქართული კოლეჯიკა**

საქართველოს ტექნიკური უნივერსიტეტი 0175, საქართველო, თბილისი, პეტრავას ბ. 77 კვბ. doctoralschool.ge
 ელ-ფოსტა: info@doctoralschool.ge ტელ: 571 169 992, 595 59 23 50

ჟიული შარტავა 1944-1993 წ.
 ეროვნული გმირი, წმინდა გიორგის ოქროს, მსხვერპლ გორაკის პირველი ხარისხის და სხვა ორდენების კავალარი, გენერალ-მაიორი

2014 წელს საქართველოს ბაქმიანარ უნივერსიტეტი დაფუძნდა ჟიული შარტავას სახელობის სახელმწიფო პედაგოგიის და მათთვის საღმრთოთ სკოლა. ჟიული ამავე უნივერსიტეტის წარმომადგენელი სტაჟინტი და ახსიანები იყო. მოგვიანებით მან აწავა დამიწვა დისერტაციის მათთვის ეფუძნადონის საქმიანება, ხელისუფლებაში ყოფნისას ის ყოველთვის აქტიურად თანამშრომლობდა მემორიალთან. მისი ინიციატივით შეიქმნა ახალგაზრდა მემორიალთა ქსელი, დაფუძნდა ჯერ ახალგაზრდა პროფესორების შემსრავლელი, ხოლო შემდეგ - სასოფლოეკონომი უბრის შესრავლის, ფორმირების და პროგრესირების სამეცნიერო ცენტრები. მისი ავტორებით სახელმწიფო მმართველობით საქმიანობაში პირველად დანიშნა სისტემური ანალიზის მეთოდი, ე.წ. „სისანი“, რომელმაც მთლიანად შეცვალა კავანის რეგიონალური საქმიანობის შეფასების და მათთვის არსებული პრაქტიკა. ჟიული შარტავას სახელთანა დაკავშირებული მემორიალთა „ახალგაზრდა ქალაქის“, მღ. ვერსი მიმდებარე ტერიტორიაზე „გმირის“, ხოლო მოგვიანებით რუსთაში უნივერსიტეტი სახელო რეინციხის მემორიალთა, რომლის მშენებაც მისი ტოტალური დავის პირველში გმირების ტოტალური იყო. მისი თხოვნებით ამაველი მემორიალური ძგლები „მთელ სიღვ“ და რუსხე მართველ-აფხაზთა და მთლიანად კავასიელთა მემორიალთა სიგოლოდ იქნა. ჟიული შარტავას სახელმწიფო მორავებონა „პარტი მმართველობის“ შესანიშნავი მამალითა, ხოლო მარდაცვალება - სამოგლობო უსოფროდ შეყვანებული ვაკაციის გმირული ნაბიძი. მისი მოწამეობის იმორავა დირსეალად შეფასა მისმა უნივერსიტეტმა, სოლონიდ საქართველოს ათათლიკოს-პატრიარქამ ილია მეორემ, რომელსაც მანახადა, რომ მან „მანი კავანისთვის ძალა გიმი, უთოთას დროში, იმორავა ისა, თითქოს მთელ ტავილს დავალრება სანთარ თავი“.